

道中若急難處應念此呪無有夜叉復多毗
舍遮拘槃荼迦咤富多那羅刹毗多荼等畏
又無水火刀杖兵凶毒藥衰害呪術方道一
切諸惡人非人等如是諸畏阿難若有恐怖
急難應誦念此呪無能作衰惱者復次阿難
若有受持讀誦此呪如上天龍鬼神二十八
部人非人等不能越犯此呪鐵輪金剛輪當
為作苦患令頭破作七分四方四維上下若
有於此人起惡心者悉皆繫其毒心今不發
起是善男子善女人應善讀誦執持奉行

佛說大普賢陀羅尼經

佛說大七寶陀羅尼經

舊失譯師名開元附梁錄

如是我聞一時佛在祇樹給孤窮精舍佛告
阿難汝受持此大七寶陀羅尼呪爾時世尊
即便說之

寫地也 貸曇 坻闍 律提 波羅若

波羅式叉仇拏 比茶

阿難若有受持讀誦修行此陀羅尼呪盡其形命一切怨仇能令歡喜火不能燒刀不能傷水不能溺無方道鬼魅所持若天龍阿脩

羅乾闥婆乃至人非人等阿難此七寶呪若

行三

九

至水火中若怨賊中若食毒若方道毒應念此呪若怖畏毛豎等悉得解脫以毗婆尸佛威德尸棄神力比尸婆智慧拘婁孫佛力迦那牟尼戒迦葉功德釋迦牟尼精進今一切

衆生悉除怖畏令得安吉爾時阿難聞佛所說歡喜奉行

佛說大七寶陀羅尼經

六字大陀羅尼呪經

舊失譯師名開元附梁錄

如是我聞一時婆伽婆住王舍城耆闍崛山中與大比丘衆五百人俱爾時長老阿難爲旃陀梨女呪術所收爾時長老阿難白佛言